

Na osnovu člana 7. i 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 65/13), člana 11. stav 2. Odluke o načinu upravljanja Javnim preduzećem „Park prirode Hutovo blato“ d.o.o Čapljina ("Službene novine HNK", broj: 2/06) i člana 28. stav 1. Statuta Javnog preduzeća „Park prirode Hutovo blato“ d.o.o Čapljina, a u vezi s članom 5. Zakona o izmjenama i dopunama Zakona o kantonalnim ministarstvima i drugima organima kantonalne uprave ("Službene novine HNK", broj: 4/07) i Odluke Vlade HNK o pristupanju raspisivanja javnog oglasa za imenovanje Nadzornog odbora Javnog preduzeća „Park prirode Hutovo blato“ d.o.o. Čapljina, broj: 01-1-021872/25 od 24.7.2025. godine, ministar trgovine, turizma i zaštite okoliša Hercegovačko-neretvanskog kantona, objavljuje

JAVNI OGLAS ZA IZBOR I IMENOVANJE TRI ČLANA NADZORNOG ODBORA JAVNOG PREDUZEĆA „PARK PRIRODE HUTOVO BLATO“ D.O.O ČAPLJINA

I. Predmet javnog oglasa

Objavljuje se Javni oglas za izbor i imenovanje na poziciju člana Nadzornog odbora Javnog preduzeća „Park prirode Hutovo blato“ d.o.o Čapljina, koje predlaže Ministarstvo trgovine, turizma i zaštite okoliša HNŽ i to:

- tri (3) člana.

II. Opis pozicije

Nadzorni odbor u svom djelokrugu vrši sljedeće poslove:

- nadzire poslovanje Javnog preduzeća,
- nadzire rad Uprave,
- usvaja izvještaj uprave,
- donosi Pravilnik o unutrašnjem redu u parku prirode,
- donosi pravilnik o korištenju ribljeg fonda,
- donosi planove i programe za zaštitu parka prirode,
- priprema poslovnike i predlaže Skupštini,
- priprema etički kodeks i predlaže ga Skupštini,
- odabire kandidate Odbora za reviziju i podnosi prijedlog za njegovo imenovanje Skupštini
- razmatra provedbeni postupak za postupak nabave i nadzire njegovu provedbu,
- daje mišljenje Skupštini o prijedlogu Uprave za raspodjelu dobiti,
- imenuje i razrješava direktora Društva u skladu sa postupcima utvrđenim u Poslovniku odnosno poslovniciama te važećim propisima,
- daje ovlaštenja za djelatnosti koje su ograničene na osnovu Zakona o javnim preduzećima,
- daje uputstva direktoru za provođenje uviđaja u vezi s uočenim nepravilnostima,
- odlučuje o ostalim pitanjima u skladu sa Zakonom, Statutom društva i drugim propisima.

III. Mandat

Članovi Nadzornog odbora imenuju se na period od 4 (četiri) godine.

IV. Način izbora

Nadzorni odbor čini pet (5) članova koje bira Skupština Društva, od čega tri (3) člana bira na prijedlog Ministarstva trgovine, turizma i zaštite okoliša HNK, a preostala dva (2) člana Skupština Društva bira na prijedlog gradonačelnika Čapljine i gradonačelnika Stoca.

V. Uslovi za poziciju

Kandidat za člana Nadzornog odbora mora ispunjavati sljedeće uslove:

V.1. Opšti uslovi

1. da je državljanin Bosne i Hercegovine,
2. da je stariji od 18 godina,
3. da nije otpušten iz državne službe kao rezultat disciplinske mjere na bilo kom nivou u Bosni i Hercegovini u periodu od tri (3) godine prije dana objavljivanja upražnjene pozicije,
4. da se na njega ne odnosi član IX.1 Ustava Bosne i Hercegovine,
5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine („Službene novine F BiH“, broj: 12/03, 34/03 i 65/13),
6. da nije izabrani zvaničnik, nositelj izvršne funkcije ili savjetnik u smislu Zakona o sukobu interesa u tijelima vlasti u Federaciji Bosne i Hercegovine („Službeni glasnik BiH“, broj: 70/08),
7. da nema privatni interes u javnom preduzeću u kojem se kandiduje u smislu člana 2. tačka 1.2. Zakona o ministarskim, vladinim i drugim imenovanjima u Federaciji BiH,
8. da nije direktor ili zamjenik direktora privrednog društva u kome država vrši ovlaštenja na osnovu državnog kapitala,
9. da nije osuđivan za krivično djelo i za prekršaj nespojiv s dužnošću u nadzornom odboru, pet (5) godina od dana pravomoćnosti presude, isključujući vrijeme zatvorske kazne,
10. da mu presudom suda nije zabranjeno obavljanje aktivnosti u nadležnosti nadzornog odbora i
11. da ne postoje druge zakonske smetnje za obavljanje poslova u nadzornom odboru u koji se kandiduje.

V.2. Posebni uslovi

Pored opštih, kandidat za člana Nadzornog odbora mora ispunjavati i sljedeće posebne uslove:

1. da ima sveučilišno zvanje i završen VII stepen stručne spreme ili najmanje 240 ECT bodova po bolonjskom sistemu studiranja,
2. da ima najmanje tri (3) godine radnog iskustva u struci, nakon stjecanja visoke stručne spreme,
3. da ima sertifikat o završenom usavršavanju u skladu sa Uredbom o usavršavanju predsjednika i članova nadzornih odbora i uprava privrednih društava s učešćem državnog kapitala („Službene novine F BiH“ broj: 71/09, 33/10, 23/11, 83/11, 2/13, 80/13, 48/15, 20/16), ukoliko kandidat ne posjeduje navedeni sertifikat dužan je isti pribaviti u roku od šest (6) mjeseci od dana imenovanja,
4. da nisu predsjednici ili članovi nadzornog ili upravnog odbora u više od jednog regulisanog organa,
5. da ima sposobnost za savjesno, odlučno i odgovorno profesionalno obavljanje upražnjene pozicije,

6. da ima izraženu individualnost, inicijativnost, neovisnost u radu i donošenju odluka,
7. da ima komunikacijske i organizacijske sposobnosti,
8. da ima sposobnost upravljanja finansijskim i ljudskim resursima te sklonost ka timskom radu,
9. da ima rezultate ostvarene tokom karijere.

Napomena

Lični podaci o kandidatima su tajni i mogu se prikupljati i obrađivati samo u skladu sa Zakonom o zaštiti podataka („Službeni glasnik BiH“, broj 49/06, 76/11 i 89/11).

VI. Potrebni dokumenti

Prijava kandidata treba sadržavati: kraći životopis, adresu i kontakt telefon.

Uz prijavu treba dostaviti original ili ovjerenu kopiju sljedećih dokumenata:

- trajni izvod iz matične knjige rođenih,
- uvjerenje o državljanstvu (ne starije od šest mjeseci) ili ovjerenu kopiju CIPS lične karte,
- ovjerenu kopiju diplome, a za diplome stečene izvan obrazovnog sistema Bosne i Hercegovine nakon 6. aprila 1992. godine i rješenje o nostrifikaciji diplome od nadležnog Ministarstva,
- dokaz o radnom iskustvu
- Certifikat o završenom usavršavanju izdat od strane nadležnog organa, u skladu sa Uredbom o usavršavanju predsjednika i članova nadzornih odbora i uprava privrednih društava s učešćem državnog kapitala („Službene novine F BiH“ broj:71/09, 33/10, 23/11, 83/11, 2/13, 80/13, 48/15, 20/16), ili izjavu kandidata svojeručno potpisanu i ovjerenu kod nadležnog organa, ne starija od tri (3) mjeseca da preuzima obavezu da usavršavanje obavi u roku od šest (6) mjeseci od dana imenovanja na poziciju za koju se kandiduje,
- potpisane i ovjerene izjave na okolnosti tačaka 3. do 11. Opštih uslova.

Napomena

U roku od osam (8) dana od dana imenovanja kandidat koji bude konačno imenovan za člana Nadzornog odbora bit će dužan dostaviti sljedeće dokaze:

- da nije osuđivan za krivično djelo i za prekršaj nespojiv s dužnošću u nadzornom odboru, pet (5) godina od dana pravomoćnosti presude, isključujući vrijeme zatvorske kazne;
- da mu presudom suda nije zabranjeno obavljanje aktivnosti u nadležnosti nadzornog odbora.

VII. Opšti podaci

Kandidati koji budu stavljeni na listu užeg izbora bit će pozvani na intervju pred Komisijom za izbor, nakon čega će Komisija putem pisane preporuke predložiti rang-listu s najboljim kandidatima.

Kandidati sa kojima se ne stupi u kontakt u roku od osam (8) dana od dana isteka roka za podnošenje prijave, kao i kandidati koji su uredno pozvani, a nisu se pojavili na intervjuu, neće se uzeti u obzir u daljnjem postupku za izbor i smatrat će se da su odustali od kandidature.

Prije intervjua Komisija za izbor će zahtijevati da kandidati koji su ušli u užu izbor daju podatke o najmanje dva (2) kontakt lica koje se mogu kontaktirati u vezi s V.2. Posebni uslovi, tačke 4. do tačke 9.

Kandidat s liste užeg izbora dužan je, prije intervjua, popuniti obrazac u kojemu će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja. Obrasci će se dobiti neposredno pred održavanje intervjua.

Oglas će biti objavljen u "Službenim novinama F BiH" i dnevnim novinama Dnevni list i Dnevni avaz.

Rok za podnošenje prijave je 15 dana od dana posljednjeg javnog objavljivanja.

Prijave s traženim dokumentima treba dostaviti lično ili preporučenom poštom na adresu s naznakom

PRIJAVA NA JAVNI OGLAS
ZA IMENOVANJE TRI ČLANA NADZORNOG ODBORA JP „PARK PRIRODE HUTOVO BLATO”
Ministarstvo trgovine, turizma i zaštite okoliša HNK
Komisija za izbor članova Nadzornog odbora
JP „PARK PRIRODE HUTOVO BLATO”
Braće Fejića bb, 88 000 Mostar
sa naznakom- NE OTVARAJ

Neblagovremene i nepotpune prijave neće se razmatrati.

